

A2<sup>r</sup>

JOhan Hilten/ Ein vortreff<sup>er</sup>  
licher Aftronomus/ vnnd bewerter  
Prophet zu Eyfenach im Klofter/ hat  
von vielem erfchrecklichem vnfall vnd  
verenderung in der Welt/ vnd fonder<sup>er</sup>  
lich im Deutfchen lande/ die fich dar<sup>er</sup>  
nach auch alfo zugetragen/ Vnd vornemblich von die<sup>er</sup>  
fer Jahr 3all/ Als 80. 82. 84. vnd 88. Propheceyet.

Hierauff dann Stoplerus Mathema<sup>er</sup>  
ticus feine deutſche *Ritmos* gefetzet.

Taufent Fünffhundert Achtzig vnd acht/  
Dis ift das Jahr fo ich betracht.  
Gehet in des die Welt nicht vnder/  
So gefchehen doch groffe Wunder.

Vrfachen folcher gefehrlichen vnd er<sup>er</sup>  
fchrecklichen verenderung feind diefe/  
wie folgen.

WENN man wird ſchreiben 1588. werden in einer  
fchrecklichē Coniunction, alle lieben Planeten zu<sup>er</sup>  
fammen kommen/ Welchs kaum in 800. Jahren ein  
mahl gefchicht/ vnd niemals ohne vnfall vnd gefehr<sup>er</sup>

A ij      liche

A2<sup>v</sup>

liche verenderung diefer Welt/ wann vnd fo offte fie diefer gefalt erfchienen/ abgangen ift.

Als zur zeit der Sündflut/ vnd kurtz vor Chriftners feligmachers vn̄ Heilandes Geburt fich begeben/ da das *Sceptrum de Iuda* zu den Heiden. Auch vor 800. Jaren da *Romanum imperium* aus Welfchlandt zu den Deutſchen ift *transferirt* worden. Vnnd fonderlich weil die letzte *Coniunction* im fewrigen Tryangeln vnd fewrigen zeichen des Wieders  $\Upsilon$ / in welchen die Welt in erfchaffung hat angefangen/ gefehen wird. Ift zu beforgen dz alle Elementa werden brennen vnd ſchmelzen/ vnd das Gott durchs Feuer (wie er deñ die Welt letztlich zu ftraffen gedrewet hat) vns werde heimſuchen.

3V dem fo ift dz alter der welt/ (fo nach der Propheceyung Heliae/ 6000. Jar ftehen fol) faft aus. Vnd da Gott nicht die zeit wegen der Aufferwelten verkürtzet/ fo würde kaum/ in ſchwebender zerrüttung Chriftliches Glaubens/ der Gerechte Selig.

VOrs dritte ifts nicht glaublich dz die Kirche des Newen Teftaments viel lenger ftehen werde/ als die Kirche des Alten Teftaments/ Sonderslich weil Gott zum ende der Welt eylet/ vnd die Tage vmb der Aufferwelten willen verkürtzt werden follen/ Nū hat aber die Kirche des altē Teftaments von dem  
an/

A3<sup>r</sup>

an/ da sie durchs rohte Meer gangen biß auff die letzte  
zerftörung Hierufalem nicht lenger gefanden/ dann  
1582. Jar. Im Newen Teftament aber schreiben wir  
albereit 1584. Jahr/ Darumb find zwey Jahr darü-  
ber/ das die Chriftliche ftreitbare Kirchen auff Erden/  
nicht auch jhren feyerabend (der GOtt gnedig fein  
wolle) haben werde.

ENDlichen kan groffer vnfall verende-  
rung/ vñ endlicher vndergang diefer Welt nicht  
fern fein/ vnd die lenge auffenbleiben. Weil die *Prodroo-  
mi* vñ vorboten/ meiften theils verhanden. Dann Zei-  
chen gefchehen am Himmel vnd auff Erden/ Kriegs-  
gefchrey/ Lermen/ vngehorfam/ meyneydigkeit/ Tew-  
rung/ Peltilentz/ groffe Winde/ Feuer vnd gefehrliche  
Bronften/ Waffer ergießung vnd flüten/ Erdbiben/  
Tyranny/ etc. nimet von tag zu tag vberhandt. So  
höret man vntrew/ vnglauben/ Ketzerey/ Rotten vnd  
Secten/ etc. in allen Landen/ das auch den Menfchen  
für groffem bedrengnüß allerley vnfalls vnnd vbels  
bange ift/ das elend auff Erden lenger zu bawen.

DOch können folche vnnd dergleichen  
vnfelle vñ vbel vorkoñen/ vnd abgewendet/ die  
welt auch in gutem wesen lenger gefriftet/ vnd wie der  
König Hißkia im leben lenger erhalten werden. Wañ  
wir vns durch ware *Pænitentz* vñ buß mit vnfern ge-

A iij            rechten

A3<sup>v</sup>

---

rechten vñ zornigen Gott verfühnen/ vñ vns in ein befe  
her Chriftliches lebē bekehren. Daher vns Gott trewe  
lich warnet/ Thut Buß (spricht er) denn das Reich  
Gottes nahet sich/ Item/ Wachtet vnd Betet/ denn jr  
wiffet weder Tag noch stunde/ weñ der HERR kom  
men wird/ vnd abermals/ Thut buß/ dann die Axt ist  
albereit an Baum gelegt/ der Bogen ist gespannt vñ  
darauff giftige Pfeil bereit. Thut guts/ spricht Pau  
lus/ weils euch vergönnet vnnd jhr in der gnaden zeit  
leid/ dann die zeit ist kurtz/ vnd es wird die stunde vnd  
zeit kommen/ da man nicht mehr buße thuen noch ar  
beiten könne/ etc.

Das wollen fromme Chriften zu Hertzen zie  
hen/ jhr leben darnach anstellen vnnd befe  
hern/ auch aus trewhertziger warnung  
es jnen lassen gefagt sein.